

Хакасский

1 Иң пастап Сӧс полған. Сӧс Худайнаң хада полған, Сӧс Худай полған. 2 Сӧс Худайнаң хада пастабох полған. 3 Ол прай нимені чайаан, Ол чох пір дее нима чайалбаан. 4 Сӧсте чуртас полған, чуртас, тізең, кізілернің чарии полған. 5 Чарых харасхыда чарыпча, харасхы, тізең, аны пір дее чаап полбаан.

6 Худай пір кізіні ысхан. Аның ады Иоанн полған. 7 Ол, Чарыхтаңар киречілееніне киртінзіннер тіп, чонға Чарыхтаңар чоохтирға килген. 8 Ол поэы Чарых полбаан, че Чарыхтаңар киречілірге килген.

9 Чир үстүне төреен полған на кізіні чарытчатхан сын Чарых пар полған. 10 Сын Чарых чир үстүнде полған, чир үстү Аннаң пастыра чайалған, че кізілер Аны таныбааннар. 11 Ол Поэының чонынзар килген, че олар Аны постарына чағын кирбееннер. 12 Аны удурлаан паза Ағаа киртінген кізілерге Худайның палалары полчаң ондай пирилген. 13 Худай палалары олаңай паба-ічедең не нимес, че Худайдаң төридірлер.

14 Сӧс, кізі пол парып, паарсасха паза сынға пай улып, піснең хада чуртаан. Піс Аның Пабазынаң алған сабланызын көргебіс. Ол сабланысты Пабазының чалғыс Оолғы улып алған.

15 Иоанн, Сӧстеңер киречілеп, хысхырып ала чоохтаан:

– «Минің соомча Килчеткені, мин төреелеккеӧк пар полғаннаңар, миннең илбек» тіп чоохтаам Пу Кізідеңер. 16 Анда паарсас толдыра полғаннаңар, піс паарсасты үзігі чох алғабыс. 17 Моисей Чахиин піске Моисей, Худайдаң улып, пирген, че паарсаснаң сын сӧстерні Иисус Христос пирген нооза.